

# Siumut



Malittarisassat

Ataatsimut siulersuisut

**Sisimiut**

**2017**

Imai:

§ 1. Ataatsimut siulersuisut taaguutaat najugaallu .....	3
§ 2. Anguniagaq .....	3
§ 3. Ataatsimut siulersuisut suliassat .....	3
Imm. 1. Kommunimut qinersinissami anguniakkat .....	3
Imm. 2. Kommunimut qinersinissamut qinigassanngortitsineq. ....	3
Imm. 3. Kommunimut qinersinerup inernera kingunerisassaalu pillugit ataatsimiinnerit.....	3
Imm. 4. Kommunalbestyrelsimi gruppimik suleqateqarneq.....	4
Imm. 5. Immikkoortorta qarfinnik suleqateqarneq.....	4
Imm. 6. Partiip inngerlatsiviinit suliassiisutit. ....	4
Imm. 7. Suliassat allat.....	4
§ 4. Ataatsimut siulersuisuni oqartussaanerpaat .....	4
Imm. 1. Ataatsimeersuarneq. ....	4
Imm. 2. Ataatsimeersuarnissamut qaaqqusineq.....	4
Imm. 3. Ataatsimeersuarnermi suliassat.....	4
Imm. 4. Ataatsimut Siulersuisunik qinersineq.....	5
§ 5. Ataatsimut siulersuisut.....	5
§ 6. Aningaasaqarneq.....	5
Imm. 1. Ingerlatsinermut aningaasartuutit.....	5
§ 7. Immikkut aalajangersakkat.....	5
§ 8. Malittarisassat akuersissutigineqarnerat.....	6

## § 1. Ataatsimut siulersuisut taaguutaat najugaallu

Siumup uani Kommunimi Ataasimut Siulersuisui: \_\_\_\_\_

Ataatsimut siulersuisut Siumut Partiiip malittarisassai anguniagaalu aallaavigalugit suliassatik siunissaq ataatsimoorfiusoq qulequtaralugu ingerlanniarpaat. Ataatsimut siulersuisut Partii Siumut tunggavigalugu aaqqissuusaapput, taamalu Siumukkormiunut ilaallutik.

## § 2. Anguniagaq

Siumup immikkoortortaarfii Ataatsimut Siulersuisunik pilersitsinermikkut kommunimi ataatsimoorfissaminnik pilersitsipput. Ataatsimut siulersuisut immikkoortortaarfiit naalackersuinikkut aaqqissuusaanikkullu soqutigisaat kommunip iluani avammullu aallutissavaat.

## § 3. Ataatsimut siulersuisut suliassaat

Imm. 1. Kommunimut qinersinissami anguniakkat.

Ataatsimut siulersuisut akisussaaffigaat kommunimut qinersinissaq sioqqulluarlugu Siumup qullersaqarfia suleqatigalugu, peqatigiiffiit ilaasortaasut kommunimiittut sinniisaasa ataatsimiitinneqartarnissaat, tassanilu Siumup kommunalbestyrelsimi anguniagassai ataatsimoorluni aalajangersaavigalugit. Ataatsimut siulersuisut immikkoortortaarfiit kommunimiittut peqatigalugit Siumup qinigassanngortitaasa qineqqusaarnissaat isumagissavaat.

Imm. 2. Kommunimut qinersinissamat qinigassanngortitsineq

Siumup qullersaqarfia suleqatigalugu Ataatsimut siulersuisut akisussaaffigaat Siumut kommunimut qinersinissami qinigassanngortitsinissaa, qinigassanngortittullu allassimaffiata pisortatigoortumik akueritinnissaa.

Kommunimut qinersinissaq sioqqullugu kommunini tamani qinigassanngortitsinermi ataatsimiititaliamik pilersitsisoqartassaaq, taakkualu qinigassanngortitsinissaq aaqqissuullugulu ingerlattassavaat. Qinigassanngortitsinermi ataatsimiititaliap pisinnaatitaaffigivaa pisussaaffigalugulu qinigassanngortittussanik ataatsimut siulersuisunut siunnersuuteqarnissani.

Qinigassanngortitsinermi ataatsimiititaliaq immikkoortortaarfinniit, Siumup inuusuttaaniit, siumullu qullersaqarfianiit ilaasortaqassaaq. Tamatuma saniatigut Ataatsimut siulersuisut namminneq aalajangissavaat kikkut qinigassanngortitsinermi ataatsimiititaliami ilaasortaassanersut.

Ilaasortat kommunimi najugaqartut tamarnik qinigassanngortittussanik siunnersuuteqarnissaminut periarfissaqartinneqassapput.

Imm. 3. Kommunimi qinersinerup inernera kingunerisassaalu pillugit ataatsimiinnerit.

Kommunimut qinersinerup kinguninngua ataatsimut siulersuisut aamma Siumumit kommunalbestyrelsimut ilaasortanngortut Siumup qullersaqarfia peqatigalugu ataatsimeeqatigiisinneqassapput - najuussinnaanngitsut oqarasuaatikkut peqataassapput - qinersinerup inernera kingunerisassaalu oqaloqatigiissutiginiarlugit. Ataatsimiinnermi isumaqatigiissutigineqassapput suleqqinnissami periusissat, partiinut qinigassanngorteqatigiinnulluunniit suleqatigiinnissamik isumaqatigiinniartoqassanersoq, kiisalu kommunalbestyrelsimi inissititsernissaq il.il. pillugit. Ataatsimiigiaqqusineq Ataatsimut Siulersuisut siulittaasuannit isumagineqassaaq.

Imm. 4. Kommunalborgstyrelsimi Siumup gruppianik suleqateqarneq.

Ataatsimut siulersuisut Siumup kommunalborgstyrelsimi gruppia minnerpaamik ukiumut marloriarlugu kommunalborgstyrelsimi suliat pillugit ataatsimeeqatigisassavaa. Siumup kommunalborgstyrelsimi gruppia isummerfissani pillugit sukulluunniit Ataatsimut siulersuisunik isumasioqatigiinnissamut aggersaasinnaavoq.

Imm. 5. Immikkoortortaqarfinnik suleqateqarneq.

Ataatsimut siulersuisut suliassaraat immikkoortortaqarfinnik inerititaqarfiusumik suleqateqarnissaq.

Imm. 6. Partiip ingerlatsiviinit suliassiissutit.

Ataatsimut siulersuisut pisussaaffigaat suliassiissutit partiip malittarisassai naapertorlugit suliassiissutigineqartut sularissallugit, aammalu siulersuisuunerit immikkoortortaqarfillu sullinneqarnissamik kommuneqarfiup iluani pisariaqartitaanni ikiussallugit.

Imm. 7. Suliassat allat.

Ataatsimut siulersuisut siulittaasuata tulliatu akisussaaffigaat immikkoortortaqarfinnut, siulersuisuunernut partiillu qullersaqarfianut ajunngitsumik attaveqarnissaq, aammalu Ataatsimut siulersuisut susassaqarfiini qinikkatut inissisimasunut attaveqarluarnissaq.

#### **§ 4. Ataatsimut siulersuisuni oqartussaannerpaat**

Imm. 1. Ataatsimeersuarneq.

Ataatsimut siulersuisut oqartussaannersaat tassaavoq ataatsimeersuarneq. Ileqqusumik ataatsimeersuarneq ingerlanneqartassaaq Partiip nuna tamakkerlugu ataatsimeersuarnerani. Immikkoortortaqarfiit ataatsimut siulersuisoqarfinnut ilaasortaasut tamarmik Siumup ataatsimeersuarneranut peqataasut ataatsimut siulersuisoqarfiup ataatsimeersuarneranut peqataasinnaapput.

Imm. 2. Ataatsimeersuarnissamut qaaqqusineq.

Ataatsimeersuarnissamut aggersaanerit partiip ataatsimeersuarnissaminut aggersaanerinit atapput.

Imm. 3. Ataatsimeersuarnermi suliassat.

Ataatsimeersuarnermi siulersuisut piffissami qinigaaffimmi suliassimasut pillugit nalunaaruteqassapput, tassanilu partiip politikikkut aqqissuussaanikkullu suliassimasut pillugit oqallittoqarnissaanut aallarniisoqassalluni. Ataatsimiititaliat pilersinneqarsimasut nalunaaruteqassapput.

Ukiuni aggersuni suliniutissanut pilersaarummik saqqummiussisoqassaaq.

Tamatuma saniatigut kommunalbestyrelsimi ilaasortaaitaniit nalunaaruteqartoqassaaq.

Imm. 4. Ataatsimut siulersuisunik qinersineq – Immikkoortortaarfiiit Ataatsimut siulersuisoqarfimmittut ilaasortaat kikkullunniit ukiumut ilaasortaanermut akiliummik akiliisimasut siulersuisunut qinigassanngortissinnaapput.

- Siulittaasumik qinersineq, taanna aamma Siumup nuna tamakkerlugu siulersuisuunerinut ilaasortanngortutut nalunaarutigineqassaaq.
- Siulittaasup tullianik qinersineq
- Ilaasortanik 4-6 amerlatigisinnaasunik qinersineq.
- Siumullu inuusuttunut suleqatigiiffianit S.I.S.-imit toqqagaq ataaseq – sinniisissaa.
- Sinniisussanik pingasunik qinersisoqartassaaq.

## **§ 5. Ataatsimut Siulersuisut**

Ataatsimut Siulersuisut tassaapput imm. 4 naapertorlugu qinigaasimasut.

Ataatsimut siulersuisoqarfik ataatsimeersuarnermi qinerneqartunit siulersuisunit aqunneqarpoq.

Ataatsimut siulersuisut ukiumut minnerpaamik marloriarlutik ataatsimiittassapput.

Ataatsimut Siulersuisut sulianut aalingsimasunut tunngasutigut Siumup qinikkatut inissisimatiitanik, soorlu nunaqarfinni aqutsisuni, kommunalbestyrelsemi, Inatsisartuni, Naalackersuisuni-luunniit ilaasortaasunik ataatsimeeqateqarnissamik piumasaqarsinnaapput.

Ataatsimut Siulersuisut pisariaqartitsineq naapertorlugu suleqatigiissitanik pilersitsisinnaapput.

Ataatsimut Siulersuisut namminneq suleriaasissartik aalajangersassavaat.

## **§ 6. Aningaasaqarneq**

Ingerlatsinerimut aningaasartuutit Siumut partiip qullersaqarfianit matuneqartassapput, akisussaaffigineqarlutillu Siumut Partiip malittarisassaani § 11 imm. 4 naapertorlugu.

## **§ 7. Immikkut aalajangersaanerit**

Malittarisassanit saneqqutsineq taamaallaat pisinnaavoq ataatsimeersuaqataasut 2/3 –iisa akuersinerisigut. Malittarisassanik saneqqutsineq Siumut Partiip inatsisaanut akerliusuussanngilaq.

Nalornisoqartillugu Siumut Partiip siulersuisuunerinut apeqqut aalajangiiffigissassanngortinneqarsinnaavoq.

**§ 8. Malittarisassat akuersissutigineqarnerat**

2017-mi Sisimiuni ataatsimeersuarnermi akuersissutigineqarput:

Ulloq: \_\_\_\_\_

Ataatsimut siulersuisoqarfik: \_\_\_\_\_

Siulersuisut:

\_\_\_\_\_  
Siulittaasoq\_\_\_\_\_  
Siulittaasup tullia\_\_\_\_\_  
Siulersuisuni ilaasortaq\_\_\_\_\_  
Siulersuisuni ilaasortaq\_\_\_\_\_  
Siulersuisuni ilaasortaq\_\_\_\_\_  
Siulersuisuni ilaasortaq\_\_\_\_\_  
Siulersuisuni ilaasortaq\_\_\_\_\_  
Siulersuisuni ilaasortaq